

**Zeitschrift:** Le conteur vaudois : journal de la Suisse romande  
**Band:** 3 (1865)  
**Heft:** 6

**Artikel:** Lo conto d'au craizu : (suite)  
**Autor:** [s.n.]  
**DOI:** <https://doi.org/10.5169/seals-177959>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 16.09.2025

**ETH-Bibliothek Zürich, E-Periodica, <https://www.e-periodica.ch>**

dre le train; après avoir serré cordialement la main à Monsieur le rédacteur, ils s'éloignèrent rapidement et arrivèrent en bonne santé à Grandson; ils se promettent de retourner au plus tôt à Lausanne; avis en sera donné aux lecteurs. (Un abonné.)

### Lo conto d'au craizu.

(Suite.)

Vo sarai don onco, et sta est la plie forta,  
On dzor que la Zabet iré sur noutra porta,  
L'étaï l'hiver passà que fesai stu grand frai,  
Yò en ne savai plie yò sé catzi lé dai,  
Stu cor s'approuza, et poui sen deré porquié,  
Apré quoquié résons, adon que l'ai marmotté,  
Et avai fé lé tor que font lé Tzarlatans.  
Volliai fourra sé dai deden son catzeman.....  
Dité lo don, Messieux, ty per voutra conchence,  
Se c'en est onn-acchon?  
Se lo Souverain dit que çen sait onn-acchon,  
Pachence!!

Vaitzé on ôtro tor que l'ai fe l'an passà,  
Au qué n'é jamé pù dé san frai repensà, —

Lé fellie et lé valets s'étiàn boutà en téta,  
De s'allà promenà on certin dzor dé féta :  
Coumen l'étiàn setiet au coatzet d'on recors  
Stu grivois l'embrassé per lo maitin d'au cors.  
Noutra fellie qu'étaï dé couta ly setaie,  
Est, den lo mémo ten, to d'on cou renversaye  
Et poui, bredin, bredà,... vo font lo batacu.  
Tantou l'on est dézo, tantou l'ôtro est déssu.  
Se bin que le montra, coumen vo paudé craire,  
Dzerrotiré, dzénau,... to çen qu'on voliai verré!  
Apré avai risquà dé sé fère assomà,  
Le sé relaive-enfin avoué dou pi dé nà.  
Dité lo vai, Messieux, ty per voutra conchence,  
Se c'en est onn-acchon?  
Se lo Souverain dit que çen sait onn-acchon,  
Pachence!!

Accutà vai Messieux, en vaitzé onna terriblia :  
Le diablo n'en pau pâ fére onna pllie zorriblia.  
Vo prend de la verrière, et la pilé au mortai,  
Que lo diablo l'ai pouisse dincé pila lé dai!!  
Et poui, t'apporté çen den lo liy dé ma fellie,  
Yò vo la dépouaira dû la téta à la grellie,  
Quand l'ai penso, Messieux! là, se vos avià vù  
L'état yò sé trova adon son pouro....!!!!  
Vos arai fé pedi, lo pouro miserablo!  
L'énocen ne dai pâ pâti por lo coupablo.  
L'é portant dza garrì, mà de çen lo men  
Que nos en a cotà d'on bio pot d'égazen,  
Dité lo vai, Messieux, ty per voutra conchence.  
Se c'en est onn-acchon?  
Se lo Souverain dit que çen sait onn-acchon,  
Pachence!!

Lo conto d'au craizu per yò yé quemenci  
Ne vos a pas étà onco fé à demi.  
Mè vé vo lo fini. — Messieux, vo paudé crairé  
Qu'onna né que défiò qu'on tza ussé pr-vairé,  
Stu grivois venie avoué de sés amis,  
Enveron la miné que n'étià ti drumis  
Hormi noutra Zabet que sé pudzive-oncora.  
L'ai crié, veni vai, vers mé on pou tot-ora,  
Vos en prio, Zabet! yé ouquié de pressent  
A vo coumenica; maude sai que vo ment!

Noutra fellie qu'à zu dé sa premire enfance  
Por ti lé grands valets qué trau dé complièssance!  
Car, tzn dé bouna race (à çen que tzacon dit)  
Tzace soven solet sen qu'on l'ossé dressi.  
Sen sé féré pressà, le revité son chertrzo  
Et déchent vers stu cor qu'étaï à noutron poertzo,  
To lo drai soubçouny que l'iauai de l'ugnon!  
Ne mé trompàvo pas, car stu fin compagnon,  
Apré l'ai avai fé quoquié fossé caressé,  
L'ai de que l'étaï ten dé féré dé promessé,  
Que le dévai alla tzi son cousin Debret,  
Yò troverai d'ai pliommé et l'écretéro pret :  
Que n'arrai qu'à signi et que le dévai crairé  
Que quand çen serrai fé l'ai bailleraï bin d'airé  
Tot en l'ai dezen çen l'empougné per lo bré,  
Fasen ti sé zeffor por la fa fér-alla lé.  
Medai, quand le ve çen, le sé su bin défendré  
En lo graffougnyen fer, l'ai dezen pi qué pendré.  
Le cria, paire! paire! apportà lo craizu!  
Et dé voutr-otra man ne veni pas vouaisu.  
Sauto fro dé mon liy sen boutà mé culotté,  
Prennio on bon bâton, ne dio pas que çefi cotté.  
Empougnò mon craizu, frenno avò lés égrà!!!  
Savé ben qué stu cor ne m'en savai pas grà. —  
Quand ye fù su lo poent d'entrà deden l'allaye,  
Mon grivois que chentai quoquié malapanaye,  
En arrovent qué fit, devant que l'usso vù  
D'on coup dé son tzapé mé détient mon craizu.  
Se bin que mé vailé sen verré onna gotta  
Et poui, ma lampa bà que sé toumavé tota!  
Dité lo don, Messieux, ty per voutra conchence,  
Se c'en est onn-acchon?  
Se lo Souverain dit que çen sait onn-acchon,  
Pachence!!

N'é pas lo tot; — quand vi ma lampa renversaye  
Ye crù que ma Zabet étaï déshonoraye! ?  
Mè bouti à crià, féna, dépatze té  
Et pren l'ottro craizu, sauta frou en pentet!!  
Le mé crai. — Den dou sauts ma féna sé présenté.  
Stu compagnon qu'étaï catzi derrai dé brenté  
S'avancé to d'on coup, et s'en la respettà.  
Paf, — d'on coup de tzapé vaitie lo craizu bà!  
Se ben que no vailé oncora sen lumière,  
Sen savai yò allà, crégnyen lés étriviéré! —  
A la fin, lo galand, apré tot cé fracà  
Sé recouilly tzi ly, et s'en va sonica.  
Content coumen on Rai d'avai vù noutra pouaire  
Et de nos avai fé à ty veni la fouaire.

L'ai yé onco gâgny on rhommo violen  
Que m'a bin tormentà et que mé prend sovent.  
Hom. Hom. —  
Dité lo vai, Messieux, ty per voutra conchence,  
Se c'en est onn-acchon?  
Se lo Souverain dit que çen sait onn-acchon,  
Pachence!!! —

### Accusé de réception

M. Marius L., à Genève, reçu 4 fr. — M. Louis G., à St-Aubin,  
reçu 4 fr. — M. Henri L., à Vevey, reçu 4 fr. — M. Gustave B., à  
Fiez, reçu 4 fr. —

Pour la redaction : L. MONNET.